

Z cyklu: felietónowé wiérztë - 2

Po Tłëstim Czwiôrtkù bòlą brzëchë
Pò pùrclach z różą, adwòkatã
Napiekłé ba skòpicą blachë
A lud tim napchòt sobie flakã...

Zòs prezydeńtowi chtos grozy
Temù z Wejrowa, rôz pòsobny
Wié ju Pòlicjô, corôz krodzy
Są welowania prziińdnoroczne...

Ruscë pùszcziwają raketë
Amerikónie na to - NATO
Z-mòdro-sã-żòłca jinternetë
Nad Ùkrajną swiat zapłakòt...

Czedë dze wikszé je nieszczescé
Wòjna, smierc nagłò czë przesprawa
Lëdzëska bierzã sã do grëpë
Mówi sã mądro: jinstinkt stada...

Wińdą na place, staną w sztopach
Kòscołë wiérnyma wnetk spùchną
Pùdze flot w górã ruskò ropa
Pònafùlëją nawetk krutop...

Tómk Fópka, Chwaszczëno, 25 gromicznika 2022 rokù, gòdz. 6.48 p.p.